



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dispositio Et Perioche Historiae Evangelicae Per IIII.
Euangelistas contextæ, necnon Actuum apostoloru[m],
Epistolaru[m] quoq[ue] Pauli XIII. & Canonicaru[m] VII.**

Bullinger, Heinrich

Tigvri, 1553

VD16 B 9605

Liber XI.

urn:nbn:de:hbz:466:1-35634

incredibilia uidebantur, dcum uidelicet populum illum ē
sanctis natum parentibus, locum item & cultum & sa-
cerdotium sanctum prophanaturum, plenius, discipulis
rogantibus, iudicium seu fatum populo & urbi impensa-
dens exponit, graphice describens quæ prodigia atq;
ostenta, quæ turbæ, calamitates, & miseriæ interitū illius
sunt præcessura, et qualis, quām crudelis, horrenda, ter-
ribilisq; futura sit uastatio. Mox occasione excidijs urbis
differit & de orbis excidio sive de consummatione sæ-
culti, & de glorioso aduentu illo filij hominis in iudiciū:
adhortans omnes homines ad sobriam & diligentē uigi-
liam, præmia proponens uigilantibus, & pœnam mīni Cap. 25:
tans inertibus sterternibusq;. Que protinus uenustissi-
mis copiosissimisq; illustrat parabolis, tam uigilantium Vigilandū
quām sterternū partes persequens. Postremo subiungit
Matth. descriptionem ac ueluti picturam quandam iu-
dicis uenturi & extremi illius iudicij: in quo à iudice
profertur contra omne genus mortalium sententia ulti-
ma, bonis quidem iucunda, malis uero tristissima. Nam
ita concluditur hoc negotium, Et ibunt hi in supplicium
æternum, iusti uero in uitam æternam.

L I B E R X I.

S V B I V N G I T V R his omnibus ceu colophon
Se totius salutis nostræ absolutio perfectissima, sa-

C 2

E V A N G E L I V M

Passionis
Christi hi-
storia.

erofancta & utilissima Passionis & redemptionis Christi domini historia: in qua omnia tam sacerdotis quam regis officia explet, breuiq; in compendio maximas vires suas omnibus spectandas proponit. Nam & uerbis & factis suis omnibus diligenter docet, sacramentum celebre instituit, ardentissime orat, sacrificat pro peccatis, ac peccatores expiat, liberat, miseretur, defendit suos, atq; proterit punitq; impios, incredibilem passim humilitatem praestans, neq; exiguum interim gloriam profrens, quando omnia elementa in morte eius turbata cœn doloris sui maximi insignia dedere arguenda. Pulchro ordine & stilo puro, dilucidoq; atq; uegeto persequitur singula Matthæus. Primo enim tempus commemorat quo passus est, et summa passionis proponit. Deinde causas describit mortis domini aliquas, partim ex inuidia & malitia sacerdotum contra Christum, partim ex auaritia & horribili defectione Iude domini suum senatui pontificio uendentis, proficiscentes. Absolutis causis accedit ad descriptionem Cœnæ illius ultimæ: in qua ante omnia prædictit suis & morte suam, & quod a suis & proditus sit & diuenditus: præterea multis modis animum Iude proditoris ad resipiscientiam sollicitat: sed frustra. Hinc instituit in ea Sui corporis & sanguinis celebre sacramentum, commemorationem mortis sue, in qua uidere licet nostræ salutis totiusq; pietas

Cap. 20.

Cœnz.

tis compendium. Vbi uero coenatum esset, exit cum discipulis in montem oliuarum. In itinere praeditus scandalum ingens oboriturum inter discipulos. Hi autem sat audaces et temerarij, neque suam infirmitatem satis agnoscentes, constantiam et fidem pollicentur eximiam, Petrus in primis, cui tamen dominus lapsum praeditus fœdiſſimum.

In horto montis oliuarum mirabiliter angitur, et meum mortis miserabiliter discruciat, orat interim ardenter atque constanter, committens et se et totum negotium suum deo et sanctae eius uoluntati. Iam et discipulos dormitantes excitat sedulo: cumque in eo occuperetur, adeſt proditor Iudas, trahens post se cateruanos nequissimorum et spurcissimorum hominum: mox osculatur magistrum, et osculo impiissimis hostibus prodit dominum suum. Nam ministri pontificij irruunt in dominum, capiunt, uinciunt, opprimunt. Interea infelixiter pro domino suo pugnat Petrus, reprimiturque a domino: qui protinus et ministrorum pontificiorum apertam, grauem, iniquissimamque contumeliam sibi iam irrogat obiurgat. Dum autem haec ita fierent, aufugiunt discipuli a domino omnes.

Ipse uero ad Caiapham sacerdotum principem abducitur in consistorium. Ibi duo potissimum aguntur. Accusatur dominus coram sacerdotibus et synodo, pro

Iudici fistitur dominus captus.

C 3

EVANGELIVM

Aducuntur testes falsi, iniquissime discutitur cauſa domini, tandem uero condemnatur, cæditur atq; confituitur indignissime. Simul autem et Petri abnegatio turpis et pœnitenda copioſe describitur.

Cap. 27.

Lata condemnationis sententia, continuo à sacerdotibus et à consistorio aulae summi præfusilis abducitur in prætorium augustum ad præsidem Rom. Pontium Pilatum, cui traditur cū mortalium nocentissimus, mortemq; commeritus turpissimam. Interea Iudas proditor in ſe altius descendens, et facinus ſuum longe crudelissimum rectius expendens,abit in templum, pecuniam proditoriam ſacerdotibus reddit, desperat, ac ſibi ipſi horribile conſciscit exitium. Sacerdotes è pecunia ſanguinaria emunt agrum figuli in ſepulturam peregrinorum.

Quid actū
coram Pi-
lato.

Porro Romanorum præfes Pontius Pilatus diligenter inquirit cauſam et accusationis capita à sacerdotibus contra dominū instituta: intelligitq; protinus ſacerdotum inuidiam eſſe in cauſa: proinde et innocentem pronunciat, et absoluendum omnino censet: unde uaria et multa tentat ut innoxium liberet. Sacerdotes contra instant improbiſime, accusant, urgent, mentiuntur, minantur, plebem item concitant, tandem et clademoribus importunis iudicem delaffatum frangunt, ut doninium permitteret eorum libidini, suisq; militibus traderet

traderet crucifigendum. Milites ergo crudelissime indignissimeq; filium dei flagris cædunt, serto spineo coro-
nant, per contemptū adorant, derident, atq; conspiciunt;
hinc crucem in humeros eius iniiciunt, & seminecent
pertrahunt ad locum capitalem.

In eo crucifigunt ipsum medium inter latrones ne-
phandissimos, partiuntur uestes eius ceu spolium quod-
dam, positaq; omni commiseratione & humanitate, illu-
dunt acerbissima perpetenti tormenta, quasi spe sua
apud deum frustratus sit. Ipse uero in tot tantisq; con-
tumelijs atq; tormentis summa in fide & patientia con-
stanter perseverans, sanctissimeq; pro peccatis totius
mundi litans, ad deum patrem clamat, cui & expirans
tandem sanctissimam tradit animam. Mox autem ut ex-
pirasset scinditur uelum in templo Hierosolymitano,
fiuntq; in caelo & in terra stupenda quædam prodigia:
quibus permotus Centurio ethnicus palam testatur Ies-
sum hunc, quamuis crucifixum uerum esse dei filium.

Post hæc adit Pilatum Ioseph ab Arimathea, am-
plissimæ fidei & dignitatis homo, et postulat sibi dari
corpus Iesu ad sepulturam. Concedit id sponte Pilat-
tus, ergo sepelitur domini corpus dignissime. Porro
Iudeorum primores metuentes resuscitandum domi-
num, postulant & ipsi à Pilato cohortem militum
sibi ad sepulchri custodiā dari; accepta hac validissime

EVANGELIUM

Sepulchram cingunt, et ne ulla committeretur fraus,
lapidem siue operculum sepulchri obsignant, nimurum
ut uiuentem retinerent inter mortuos.

LIBER XII.

Resurrectio
domini.

Cap. 28.

POSTREMO hoc capite describit Matthaeus
gloriosam ex mortuis Iesu Christi domini nostri re-
surrectionem. Descedit de celo angelus domini, reuolu-
uit lapidem ab ostio monumenti, incusso telluri terre,
motu, prodit autem ilico rediuium et gloriosum domini
corpus. Porro quia angelus fulguris instar radiabat, cu-
stodes territi, non obstant resurgentem domino, sed fuga
sibi consulendum putant. Interea uenient mulierculæ
ad sepulchrum, portantes que parauerant aromata. His
apparet angelus ille domini, ac Christum uere resurre-
xisse docet, iubens ut protinus abeant, atq; resurrectio-
nem discipulis nuncient. Abeuntibus obuiam uenit ipse
dominus, rediuiuum exhibens se eis manifeste, praci-
piensq; ut resurrectionem suam ueram nuncient disci-
pulis. Dum haec fierent, milites illi sepulchri custodes,
quos modo statione suam reliquisse ac fugisse diximus,
in urbem uenerant, pontificibusq; uisa narrabant, quo-
modo descenderit de celo angelus, lapidem reuoluerit,
Christus rediuius prodierit, et quam illustris horribi-
lisq;